



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Capitvlo Thebano.

urn:nbn:de:hbz:466:1-20020

authentico super hoc confecto pleniū continetur, & eandem terram in vita Mar-chionis ipsius pacificè possiderint & quietè, postmodum carissimus in Christo filius noster Imperator Constantinopolitanus il-lustris ad partes illas accedens, supradic-tam terram eisdem abstulit violenter, quam quidam nobilis R. de Tribalia Ci-trensis dioecesis ejus nomine detinere præ-sumit in eorum præjudicium & gravamen, & licet propter hoc sèpius miserimus scrip-ta nostra, dicti tamen fratres suam nequi-verunt haec tenus consequi rationem. Cum igitur dictos fratres, qui pro servitio Iesu Christi multis laboribus sè exponunt, no-limus ab aliquibus indebetè prægravari, per apostolica yobis scripta mandamus quatinus detentorem ejusdem castri & alia-rum &c. per totum ut in alia usque in finem. Quod si non omnes &c. duo vestrum ea &c. Datum ut in alia per totum.

CAPITVLO T H E B A N O.

*Epiſt. 138.
De electione
Archiepiscopi
Thebani.*

THebana dudum Ecclesia viduata pa-store, A. Archidiaconus vester cum Gerardo de Besentun. & I. cognato suo propria vota direxit in venerabilem fratrem nostrum Davaliensem Episcopum pro uestro Pontifice postulandum, appellationem ad sedem apostolicam interpo-nens ne ceteri Canonici procederent ad electionem aliam faciendam. Qui tandem convenientes in unum, appellatione hu-jusmodi pro inutili reputata, dilectum filium A. Capellianum carissimi in Christo filii nostri Constantinopolitani Imperato-ris illustris concorditer in Archiepiscopum elegerunt. Postmodum autem electione ipsius venerabili fratri nostro Constantinopolitano Patriarchæ præsentata de more, cum sibi demum per testes ab Archidiacono & ejus sociis introductos de appellatio-ne interposita constitisset, negotium ip-sum ad nostram præsentiam destinavit. Constitutis itaque partibus coram nobis, & qua fuerunt hinc inde proposita pleniū intellectis, postulationem de memorato Episcopo tantummodo factam à tribus, quamquam persona commendabilis habe-retur, non duximus admittendam, elec-tionem verò de Capellano præfato à se-de-cim regulariter celebratam, quia studiis & meritis potioribus juvabatur, justitia con-firmavimus exigente. Quocirca discre-tioni vestra per apostolica scripta præci-piendo mandamus quatinus eidem electo tam in spiritualibus quam temporalibus re-verentiam & obedientiam debitam im-

pendatis. Datum Laterani iv. Nonas Oc-tobris, anno tertiodecimo.

*CASTORIENSI ET ZARATORIENSI
Episcopis Ecclesiæ Thebanæ suffraganeis.*

THebana dudum Ecclesia viduata pa-store, A. ipsius Ecclesiæ Archidia-conus cum Gerardo de Besentun. & I. cognato suo propria vota direxit in vene-rabilem fratrem nostrum Davaliensem Episcopum pro Thebano Pontifice postu-landum, appellationem &c. ut in alia per torum usque exigente. Quocirca fraterni-tati vestra per apostolica scripta manda-mus quatinus eidem electo reverentiam & obedientiam debitam impendatis. Datum ut in alia per totum.

*PRIORI S A N C T I I O H A N N I S
in Monte Bononiensi, & Archipresbytero
de Campo Gallana Mutinensis dioecesi, &
G. Doctori decretorum Bononie Commo-ranti.*

EX litteris piæ memorie Huguccio-nis Episcopi & dilectorum filiorum Archiprefbyteri & Præpositi Ferrarien-sium intelleximus quod cum olim inter B. tunc Abbatem & monachos sancti Bartho-lomæi de Ferraria gravi diffensione sub-ta, ipsi omnes communicato consilio in eundem Episcopum compromiserint, ju-rantes in omnibus ejus observare mandata, quacunque faceret pro statu ipsius Eccle-sia reformando, proponentibus demum monachis & conversis quod sub ejusdem Abbatis cura nunquam proficer posset Ecclesia memorata, idem Abbas in manu ipsius Episcopi administrationi & abbatie spontaneus resignavit, assentiens quod alias eligeretur ad ipsam. Ejus itaque elec-tione recepta, dictus Episcopus annuum sibi præbendam cum consenuit constituit monachorum, quandam nihilominus ei Capellam assignans, & curam sibi con-frensanimarum. Cumque postmodum Ca-pitulum vota sua in duos fratres & pra-fatum Episcopum contulisset, ipsi sancti spiritus gratia invocata dilectum filium Iohannem tunc Priorem sancti Danielis, virum idoneum, elegerunt concorditer in Abbatem; sub cuius tandem regimine cum Ecclesia proficer incepisset, memoratus B. diabolica suggestione compulsus ad ab-batiam cui sic renuntiarat aspirans, litteras apostolicas ad Archiprefbyterum de Grec-zano subripuit, facti præmissi tacita ve-ritate. Qui rationabiles substituti Abbatis exceptiones recusans admittere per procu-